

## BOLAODI BA MEEDI BA SARS BO KGAOLEDITSE LENAKA LA TSHUKUDU MANE OR TAMBO

**Tshwane, 3 Phuptjane 2022** – Yuniti ya Ditshebeletso tsa Lekgetho tsa Afrika Borwa (SARS) ka tshebedisano le Ditshebeletso tsa Sepolesa sa Afrika Borwa (SAPS) ba atlehile ho nyopisa boiteko ba ho mokola lenaka la tshukudu ho tswa ka ntle ho naha ka mora ho longwa tsebe ka morwalo o belatsang o nengo leba mane Abu-Dhabi.

Sehlopha sena sa Bolaodi ba Meedi se ile sa arabela sena ka ho romela bahlanka ho ya sebakeng sa merwalo moo morwalo ona o ileng wa skenuwa mme ona wa hlahisa ditshwantsho. Ke merwalo e mmedi e neng e phuthetswe ka polasetiki e ileing ya lebiswa sebakeng sa Bolaodi ba Meedi sa ho phenya, mme morwalo ona o ile wa skenuwa le ho phenywa. Eitse ha ho shebisiswa, ha fumanwa dikotwana tse leshome le metso e supileng (17) tsa lenaka la tshukudu, tsa boima ba 25kg. SAPS e ile ya nkela mopalami enwa Seteisheneng sa Matjhaba sa Mapolesa. Dithoto tsena di ile tsa nyehelwa ho SAPS hore ba tle ba etse diphuputso tse ding.

SARS e hlokometse ho eketseha ha diketso tsa ho mokolwa ha manaka a tshukudu Boemafofaneng ba Matjhaba ba OR Tambo. Nakong e pakeng tsa Phupu 2020 ho isa ho Mmesa 2022 ho bile le ho utullwa ka makgetlo a supileng (7) a manaka a tshukudu a paloyohle ya dikotwana tse 137 tsa boima ba 482kg, tsena di fumanwe ka ho latedisiswa le ho arolelana ka lesedi.

- Mmesa 2022: dikotwana tse lesome le metso e mmedi (12) tsa lenaka la tshukudu, tsa boima ba 30.7kg
- Tshitwe 2021: dikotwana tse tshelala (6) tsa lenaka la tshukudu, tsa boima ba 4kg tse neng di tsebahaditswe e le '*Personal Effets*'.
- Tshitwe 2021: dikotwana tse hlano (5) tsa lenaka la tshukudu, tsa boima ba 10kg tse neng di tsebahaditswe e le '*Scanners*'.
- Phupu 2021: dikotwana tse mashome a mararo a metso e mmedi (32) tsa lenaka la tshukudu, tsa boima ba 160kg tse neng di tsebahaditswe e le '*Live Plants*'.
- Hlakola 2021: dikotwana tse (18) tsa lenaka la tshukudu, tsa boima ba 63kg tse neng di tsebahaditswe e le '*HP Cartridges Developers*'.
- Tshitwe 2020: dikotwana tse (17) tsa lenaka la tshukudu, tsa boima ba 72.4kg tse neng di patilwe ka hara kisara.
- Loetse 2020: dikotwana tse (6) tsa boima ba 4.9kg tse neng di tsebahaditswe e le "*Coffee Beans*".
- Phupu 2020: dikotwana tse (41) tsa boima ba 137kg tse neng di tsebahaditswe e le "*Fine Arts*".

Khomishenara ya SARS o lebisitse diteboho tsa hae diakgenteng tsa phethahatso ya molao mabapi le tsepamiso e matla ya ho tobana le maiteko a soto a etswang ke dinokwane a ho mokola manaka a tshukudu.

O itse: "Ho hlakile hore dinokwane tsena ha di sa ipata ha di etsa ho mokola hona haholoholo hwa manaka a tshukudu. Diketso tsena tsa bahlanka ba Bolaodi ba Meedi ke mohlala o motle mme ho sebetsa mmoho le bomphato ba bona ba Ditshebeletso tsa Sepolesa sa Afrika Borwa ho lwantshana le ditlolo tsena tse mpe tsa molao ho hloka ho thoholetswa ke Maafrikaborwa ohle. Molaetsa wa rona o tlameha ho ba o totobetseng bakeng sa maqulwana ana a dinokwane, hore re ka se lobe letho ho nkgisana mahafi le bona. Letlobo la rona la kamoso le na le tshwanelo ya ho bona lefa la rona la diphoofolo tse hlaha".

O tswetse pele ka hore; "Jwalo ka naha, ha re a tshwanela ho sireletsa mefuta ena e kotsing ya ho timela feela empa re lokela ho netefatsa hore bana ba ikgethetseng tsela ena esele, ba tshotjhiswa, le ho ahlolelwa ho hlola tjhankaneng nako e telele. Ketso ena ke ya ka boomo e habileng ho nonyetsa ikonomi ya rona".

Ho fumana lesedi le fetang lena, ka kopo ikopanye le [SARSMedia@sars.gov.za](mailto:SARSMedia@sars.gov.za)

KE PHETHO



